



**UNIT KOMUNIKASI KORPORAT  
JABATAN PERIKANAN MALAYSIA  
BERITA PERIKANAN HARI INI**

**14 September 2020**

<b>SENARAI AKHBAR</b>	<b>TAJUK</b>
<b>Utusan Malaysia</b>	<ul style="list-style-type: none"><li>• Harga ikan kembung musim Temco tinggi</li><li>• 3,000 nelayan terjejas pendapatan</li><li>• Tangkap nelayan asing ceroboh pulau</li><li>• Fenomena ikan terapung timbul persoalan</li></ul>
<b>Berita Harian</b>	<ul style="list-style-type: none"><li>•</li></ul>
<b>Harian Metro</b>	<ul style="list-style-type: none"><li>•</li></ul>
<b>Kosmo !</b>	<ul style="list-style-type: none"><li>• Harga ikan kembung naik mendadak</li></ul>
<b>Sinar Harian</b>	<ul style="list-style-type: none"><li>• Projek mega tambak laut tidak abai nelayan</li></ul>
<b>The Star</b>	<ul style="list-style-type: none"><li>•</li></ul>
<b>New Straits Time</b>	<ul style="list-style-type: none"><li>•</li></ul>
<b>Nanyang Siang Pau</b>	<ul style="list-style-type: none"><li>•</li></ul>
<b>Malaysia Gazette</b>	<ul style="list-style-type: none"><li>•</li></ul>
<b>Harakah</b>	<ul style="list-style-type: none"><li>•</li></ul>
<b>Malaysia Dateline</b>	<ul style="list-style-type: none"><li>•</li></ul>
<b>Bernama</b>	<ul style="list-style-type: none"><li>•</li></ul>
<b>See Hua Daily News (Kuching)</b>	<ul style="list-style-type: none"><li>•</li></ul>
<b>Guan Ming Daily</b>	<ul style="list-style-type: none"><li>•</li></ul>
<b>Sin Chew Daily</b>	<ul style="list-style-type: none"><li>•</li></ul>

JENIS AKHBAR						MUKA SURAT	TARIKH	
UTUSAN MALAYSIA	✓	KOSMO!		THE STAR	NANYANG SIANG PAU			
BERITA HARIAN		SINAR HARIAN		THE SUN	ORIENTAL DAILY			
HARIAN METRO		NEW STRAITS TIMES		THE MALAY MAIL	PELBAGAI			
KATEGORI LIPUTAN: POSITIF			NEGATIF		NEUTRAL		10	

Kurang bekalan, hujan antara faktor kenaikan

UM M15 10 14/9/2020

# Harga ikan kembung musim Temco tinggi

Oleh **NUR ANATI JUHARI**  
 utusannews@mediamulia.com.my

**ALOR SETAR:** Harga ikan kembung di kawasan Perintah Kawalan Pergerakan Diperketatkan Secara Pentadbiran Kota Setar (Temco) mengalami kenaikan RM2 hingga RM6 sekilogram.

Tinjauan di Pasar Besar Alor Setar mendapati harga ikan bersaiz sederhana yang sebelum ini dijual bawah RM8 sekilogram mencapai RM10 hingga RM14.

Peniaga ikan di Pasar Besar Alor Setar, **Said Osman**, 61, memberitahu, kenaikan harga ikan itu berlaku sejak hari pertama pelaksanaan Temco di daerah ini Jumaat lalu.

“Harga biasa ikan kembung sebelum ini hanya di bawah RM8 sekilogram tetapi sejak Jumaat lalu, harga ikan itu terpaksa dinaikkan harga antara RM10 hingga RM14 sekilogram,” katanya ketika ditemui di sini semalam.

Katanya, kenaikan harga ikan di daerah ini dipercayai berpunca daripada masalah kekurangan bekalan.

“Ini berikutan ramai pemborong dan peraih sukar bergerak untuk mendapatkan bekalan di kawasan Kuala Kedah susulan perintah kawalan pergerakan ini,” ujarinya.

Pengerusi Pasar Besar Alor Setar, **Mohd. Fauzi Sharip** berkata, tinjauan mendapati kenaikan

harga itu melibatkan ikan kembung saiz sederhana.

“Saya difahamkan punca kenaikan harga ikan ini adalah cuaca hujan kebelakangan ini selain peraih yang sukar untuk bergerak dalam kawasan Temco,” katanya.

Beliau berkata, dia telah berbincang dengan Kementerian Perdagangan Dalam Negeri dan Hal Ehwal Pengguna (KPDNHEP) untuk memastikan bekalan ikan di situ dapat menampung keperluan pengguna.

“Saya menasihatkan pengguna agar membeli mengikut keperluan sahaja kerana bekalan makanan mencukupi,” tambahnya.



DUA pelanggan bertanya harga ikan kembung yang melambung tinggi ketika berkunjung di Pasar Besar Alor Setar, Alor Setar, semalam. - UTUSAN/NORLIDA AKMAR IDROS

JENIS AKHBAR						MUKA SURAT	TARIKH		
UTUSAN MALAYSIA	✓	KOSMO		THE STAR	NANYANG SIANG PAU				
BERITA HARIAN		SINAR HARIAN		THE SUN	ORIENTAL DAILY				
HARIAN METRO		NEW STRAITS TIMES		THE MALAY MAIL	PELBAGAI				
KATEGORI LIPUTAN: POSITIF			NEGATIF		NEUTRAL		14/9/2020		

Sukar pasarkan hasil tangkapan kerana Temco

um m/s 11 14/9/2020

# 3,000 nelayan terjejas pendapatan

Oleh Zaid Mohd. Noor  
zaid.noor@mediamula.com.my

**KUALA KEDAH:** Seramai 3,000 nelayan di sini mendakwa pendapatan mereka terjejas apabila sukar memasarkan hasil tangkapan berikutan penguatkuasaan Perintah kawalan Pergerakan Diperketatkan Secara Pentadbiran (Temco) bermula kelmarin.

Nelayan terbabit percaya hasil tangkapan mereka tidak dapat dijual apabila pemborong dan peraih ikan dari luar kawasan daerah Kota Setar sukar memasuki kawasan ini.

Seorang nelayan, Mohd. Hamdan Khamis, 26, dari Kubang Rotan di sini berkata, kebiasaannya lebih 20 pemborong dan peraih menunggu mereka untuk membeli ikan di jeti Pasar Nelayan Kubang Rotan di sini.

Bagaimanapun, katanya, dia mendapati tidak ramai pemborong dan peraih yang berada di

jetii tersebut semalam mungkin disebabkan Temco.

"Saya juga terpaksa menjual ikan temenung (kembung) dengan harga murah antara RM1.50 hingga RM3 sekilogram berbanding lebih RM5 sekilogram sebelum ini kepada pemborong dan peraih.

"Jika tak laku juga saya terpaksa menjual ikan tersebut kepada pihak yang memproses baja dengan harga 60 sen sekilogram sahaja," katanya ketika ditemui di sini semalam.

Seorang lagi nelayan, Hamid Salleh, 55, dari Seberang Kota di sini pula berkata, kebanyakannya nelayan tidak keluar menangkap ikan kerana bimbang tidak dapat memasarkan hasil tangkapan mereka disebabkan Temco semalam.

"Kebiasaannya saya dapat menangkap ikan kira-kira 200 hingga 500 kilogram sehari dan dapat menjual ikan tersebut

dalam masa yang singkat sahaja.

"Bagaimanapun, pada hari ini (semalam), saya mengambil masa yang lama untuk menjual ikan kerana tidak ramai pemborong dan peraih yang datang. Difahamkan mereka membeli ikan di luar kawasan Temco di daerah lain," katanya.

Sementara itu, Pengerusi Persatuan Nelayan Kebangsaan (Nekmat), Abdul Hamid Bahari memberitahu, beliau akan meminta Persatuan Nelayan Negeri Kedah dan Persatuan Nelayan Kuala Kedah supaya membeli ikan yang gagal dijual oleh nelayan di kawasan tersebut.

Menurutnya, langkah itu diharapkan dapat membantu nelayan yang tidak dapat menjual hasil tangkapan mereka disebabkan Temco.

"Harga ikan yang dibeli oleh persatuan nelayan itu pula berpatutan bagi meringankan beban nelayan," ujarnya.



NELAYAN memunggah hasil laut ke atas jeti untuk dijual kepada peniaga di Pasar Nelayan Kubang Rotan, Kuala Kedah, semalam. - UTUSAN/SHAHIR NOORDIN

JENIS AKHBAR							MUKA SURAT	TARIKH
UTUSAN MALAYSIA	✓	KOSMO		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		30	14/9/2020

Um m/s 30 14/9/2020

## Tangkap nelayan asing ceroboh pulau

**KUALA TERENGGANU:** Agensi Penguatkuasaan Maritim Malaysia (Maritim Malaysia) memberi amaran keras akan menangkap mana-mana nelayan Vietnam yang dikesan berlindung di pulau perangan sekitar negeri ini pada musim tengkujuh.

Pengarah Maritim Malaysia Terengganu, Kepten Maritim Muhammad Suffi Mohd. Ramli berkata, pihaknya tidak akan berkompromi dengan taktik nelayan asing yang berpura-pura berlindung di pulau-pulau bagi mencuri hasil laut negara.

"Itu memang modus operandi yang digunakan mereka dengan mengambil kesempatan berlindung di Pulau Redang, Perhentian dan Tenggol.

"Kita ada menerima aduan dan jika keadaan sama masih berlaku pada musim tengkujuh kali ini, tangkapan akan terus dibuat," katanya.

Beliau berkata kepada pemberita selepas sesi latihan menembak senjata kecil anuran Unit Keselamatan Mar-

itim Malaysia Terengganu di Lapang Sasar Jabatan Suka-relawan Malaysia (Rela) Kuala Berang di sini semalam.

Bagaimanapun Muhammad Suffi berkata, hanya bot-bot nelayan Vietnam yang membuat permohonan sahaja dibenarkan berlindung di perairan negara pada musim tengkujuh.

Katanya, permohonan untuk tujuan itu akan disalurkan pihak Kedutaan Vietnam kepada Kementerian Luar Negeri sebelum dimaklumkan kepada Maritim Malaysia.

"Sehingga kini masih belum ada sebarang permohonan diterima dan kita akan membuat tangkapan sekiranya ada bot Vietnam yang memasuki perairan," katanya.

Dalam perkembangan lain, Muhammad Suffi berkata, Maritim Malaysia kini bersiap-siaga mengerakkan aset bagi menghadapi kemungkinan bencana banjir yang dijangka pada bulan depan susulan musim tengkujuh di pantai timur.

UTUSAN MALAYSIA	✓	KOSMO		THE STAR	NANYANG SIANG PAU	MUKA SURAT	TARIKH
BERITA HARIAN		SINAR HARIAN		THE SUN	ORIENTAL DAILY		
HARIAN METRO		NEW STRAITS TIMES		THE MALAY MAIL	PELBAGAI		
KATEGORI LIPUTAN: POSITIF			NEGATIF		NEUTRAL	32	14/9/2020

UMH 2/5 32 14/9/2020

# Fenomena ikan terapung timbul persoalan

Oleh MOHD. HAFIZ ABD. MUTALIB  
hafiz.mutalib@medemula.com.my

**ARAU:** Fenomena ikan mati yang terapung di Sungai Tambun Tulang di sini sejak kelmarin mengejutkan penduduk setempat yang mengaitkan kejadian tersebut dengan isu pencemaran di kawasan itu.

Bagaimanapun, dalam tinjauan *Utusan Malaysia* di sungai tersebut hari ini mendapati ikan terapung semakin berkurangan dipercayai disebabkan hujan lebat semalam.

Kelmarin, ratusan ikan ditemukan mati dan terapung di sungai selain tersangkut di tebing-tebing sungai dan kawasan tandop sepanjang kira-kira 14 kilometer sungai berkenaan dari Guar Sanji sehingga Simpang Empat.

Berikutan itu, suasana di kawasan Tambun Tulang di sini 'meriah' apabila orang ramai mengambil kesempatan menyauk ikan mati yang terapung di sungai di kawasan itu.



ANTARA ikan yang mati di Sungai Tambun Tulang, Arau, Perlis.

SEORANG penduduk menjala ikan di Sungai Tambun Tulang, Arau. Perlis beberapa hari selepas ratusan ikan ditemukan mati terapung di sungai tersebut. - UTUSAN/ MOHD. HAFIZ ABD. MUTALIB

Antara spesies ikan yang ditemukan mati terapung di sungai tersebut membolehkan ikan jenis talapia, lampam dan baung.

Seorang penduduk, Saifulah Abi Janrah, 35, berkata, kejadian ikan terapung di sungai tersebut tidak pernah berlaku sebelum ini.

Katanya, dia juga tidak pasti apa yang menjadi punca ikan tersebut mati dan tidak menolak kemungkinan faktor pencemaran.

"Sudah dua hari ikan tera-

pung, namun hari ini sudah berkurangan mungkin disebabkan hujan lebat sekali gus menyebabkan keadaan air sudah berubah," katanya ketika ditemui di sini hari ini.

Pengerusi Jawatan kuasa Sumber Asli dan Alam Sekitar, Teh Chai Aan semalam menasihatkan orang ramai agar tidak terlalu ghalrah menyauk atau mengambil ikan terapung di sungai berkenaan kerana

dikhuari terlibat dengan pencemaran.

Chai Aan dilaporkan berkata, ikan tersebut dipercayai dibawa oleh arus dari Sungai Korok di Jitra, Kedah dan Jabatan Alam Sekitar (JAS) serta Jabatan Perikanan negeri telah mengambil sampel untuk ujian kimia dan keputusannya dijangka diperolehi dalam masa beberapa hari lagi.

Seorang lagi penduduk, Syed

Mohd. Helmi Syed Naufal, 36, pula berkata, dia tidak pasti sama ada ikan tersebut mati disebabkan pencemaran atau sebaliknya.

"Tidak pasti pasal pencemaran itu, tetapi tengok ikan semua sihat-sihat sahaja. Berkemungkinan ikan jadi sedikit 'pening' kerana arus sungai tersebut kuat," katanya ketika ditemui selepas menjala ikan di kawasan itu.

JENIS AKHBAR							MUKA SURAT	TARIKH
UTUSAN MALAYSIA		KOSMO!	✓	THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		5	14/9/2020

Hasil laut itu dijual sehingga RM14 sekilogram berbanding harga ayam yang turun

KOSMO M/S 5 14/9/2020

# Harga ikan kembung naik mendadak

oleh NUR AMATI JUHARI

**ALOR SETAR** - Harga ikan kembung atau temenung di kawasan Perintah Kawalan Pergerakan Diperketatkan (PKPD) secara pentadbiran Kota Setar di kawasan mengalami kenaikan antara RM2 hingga RM6 sekilogram.

Tinjauan di Pasar Besar Alor Setar di sini mendapati, harga ikan temenung bersaiz sederhana yang sebelum ini dijual pada harga di bawah RM8 dijual antara RM10 hingga RM14 sekilogram.

Barangan lain seperti ayam, telur serta sayur-sayuran tidak mengalami sebarang kenaikan harga.

Peniaga ikan di Pasar Besar Alor Setar, Said Osman, 61, memberitahu, kenaikan harga ikan itu berlaku sejak hari pertama pelaksanaan PKPD di daerah ini.

"Harga biasa ikan temenung sebelum ini hanya di bawah RM8 sekilogram tetapi sejak kelmarin naik antara RM10 hingga RM14 sekilogram," katanya ketika ditemui di sini semalam.

Katanya, kenaikan harga ikan dipercayai berpunca daripada masalah kekurangan bekalan



HARGA ikan kembung atau ikan temenung dijual agak mahal di Pasar Besar Alor Setar semalam.

hasil laut itu.

"Ramai peraih yang sukar bergerak untuk mendapatkan

bekalan di kawasan Kuala Kedah susulan PKPD yang dilaksanakan di Kota Setar," ujarnya.

Pengurus Pasar Besar Alor Setar, Mohd. Fauzi Sharip berkata, tinjauan mendapati kenaikan

harga melibatkan ikan temenung borek iaitu ikan bersaiz sederhana.

"Saya difanamkan punca kenaikan harga ikan ini disebabkan kekurangan bekalan disebabkan cuaca hujan kebelakangan ini selain peraih sukar bergerak dalam kawasan PKPD ini," katanya.

Ujarnya, dia telah berbincang dengan Kementerian Perdagangan Dalam Negeri dan Hal Ehwal Pengguna (KPDNHEP) untuk memastikan bekalan ikan di situ dapat menampung keperluan pengguna.

"Saya pada masa sama menasihatkan pengguna agar tidak membuat pembelian panik serta membeli mengikut keperluan sahaja kerana bekalan makanan mencukupi," tambahnya.

Dalam pada itu, harga ayam pula didapati turun 50 sen daripada RM7.40 kepada RM 6.90 bermula kelmarin.

Peniaga ayam, Muhamad Zuhair, 27, berkata, bekalan ayam mudah didapati pada masa ini.

"Walaupun PKPD bermula kelmarin, (Jumaat) bekalan ayam masih mencukupi dan harga jualan terkawal," ujarnya.

JENIS AKHBAR							MUKA SURAT	TARIKH
UTUSAN MALAYSIA		KOSMO!		THE STAR		NANYANG SIANG PAU		
BERITA HARIAN		SINAR HARIAN	✓	THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN:		POSITIF		NEGATIF		NEUTRAL	28	14/9/2020

## Projek mega tambak laut tidak abai nelayan

su m13 28 14/9/2020

**GEORGETOWN** - Kerajaan Pulau Pinang hari ini mengabaikan para nelayan di negeri itu dengan pelaksanaan projek mega tambak laut di perairan selatan Pulau Pinang (PSK).

Timbalan Ketua Menteri 1 Pulau Pinang, Datuk Ahmad Zakiyuddin Abdul Rahman berkata, PSR merupakan sebuah projek yang bakal dilaksanakan demi menjaga kepentingan dan kebajikan kepada seluruh rakyat Pulau Pinang demi masa depan yang lebih cerah.

"Kerajaan negeri tidak menafikan yang mereka (nelayan) tidak terkesan langsung. Kami cukup sahaja menjaga kebajikan nelayan... Ada tujuan yang besar kenapa kami nak tambak tanah ini.

"Tanah kita sudah berkarangan. Kita tidak ada tanah-tanah untuk industri, pembangunan dan lain-lain jadi perlu juga untuk melaksanakan projek ini sebagai pinak yang beranggungjawab untuk keseluruhan rakyat dan negeri tetapi kami tidak akan tinggalkan nelayan," katanya kepada pemberita ketika ditemui selepas merasmikan Bengkel Pembangunan Wanita untuk Majlis Pengurusan Komuniti Kampung (MPPKK) semalam.

Pada 4 September lalu, Pengerusi Persatuan Nelayan Pulau Pinang (Pen Nelayan), Mahadi Md Rodzi mengulangi kenyataan bahawa para nelayan tetap menolak projek mega itu.

Mahadi berkata, komuniti nelayan adalah komuniti yang akan terkesan

secara terus dengan projek tersebut.

Tambah menyakitkan, beliau mendakwa, kerajaan negeri tidak menjemput sebarang perwakilan nelayan untuk hadir membincangkan mengenai pampasan kepada nelayan.

Dalam menjawab dakwaan tersebut, Ahmad Zakiyuddin berkata, kerajaan negeri kini dalam usaha untuk mewujudkan insiatif serta bantuan untuk membantu para nelayan kekal dan meningkatkan pendapatan mereka.

"Satu daripada pendekatan yang dicadangkan ialah pertanian akuakultur menggunakan kaedah moden untuk perikanan, ajar mereka strategi pemasaran dan lain-lain. Malah kami juga akan bantu nelayan yang ingin beralih

kepada sektor ekonomi yang lain sendainya mereka tidak lagi mahu menjadi nelayan," katanya.

Di bawah projek PSR, kerajaan negeri mencadangkan projek pembangunan menebus guna kawasan laut seluas 1,821 hektar, termasuk pembinaan tiga pulau buatan di kawasan Setiawan Lapangan Terbang Antarabangsa Pulau Pinang hingga ke perairan Pematang Damar Laut.

Projek Pelan Induk Pengangkutan Pulau Pinang (PTMP) bernilai RM46 bilion itu turut melibatkan pembinaan terowong bawah laut yang mengaitungkan pulau dan juga stesen besar, lebuh raya, LRT, monorail dan jalinan bus menyeluruh, antara bahagian pulau dan Seberang Perai. - *Bernama*